

## Колхозной доход'есты шонер люконо

Хозяйственной ар йыл-пум'яське. Азьмынсь колхоз'ес ю-тысь сетон'я вань обязательствооссэс дырызлэсь азьыл быдэстизы но СССР-лэн СНК-езлэн но ВКП(б)-лэн ЦК-езлэн постановлениязы возматэм общественной фонд'есты кылдытыса, асьсэлэсь мултэс ю-вянзэс государстволы вузазы. Табере соос доход'есты люкыны дасясько ни.

„Бакча“ колхозлэн членэзлэн Бадгеевлэн семьяез туэ 247 пуд ю-тысь, 44 пуд картошка басьтоз; колхозница Бикмухаметова Х. 131 пуд ю-тысь но 24 пуд картошка, Шаймухаметовлэн семьяез 90 пуд ю-тысь но 16 пуд картошка басьтозы.

Честно ужам бордысен туэ тросэз колхоз'ес выли удалтон басьтизы. Туэ трудодень йыре „Бакча“ колхоз 5,55 килограмм, „Авангард“ — 4,1 килограмм, „Чулпан“ — 3,2 килограмм, „Тазриба“ — 3,1 килограмм, „КИМ“ — 3,1 килограмм, Фрунзелэн нимыныз нимам колхоз 3 кил грамм ю-тысь люксы. Со сина колхозник'ес трудоденьссылы бакча сион'есты, уксь басьтозы.

Кужмо общественной фонд'еслэн луэмзы но трудоденьс'я трос ю-вянзэ люкон колхозной стройлэсь юныкэс возматись одиг фактэн луэ. Со озы ик колхоз'есын трудовой дисциплиналэсь юнмамзэ, колхозник'еслэсь выли удалтон понна большевистской юр'яськон нуэмзэс возматэ.

Колхоз'есын доход'есты люкон туж важной хозяйственно-политической уж'еслэн одигез. Нырысь ик государство азын сылсь вань обязательствоосты тырмыт быдэстоно. Собресе СССР-лэн СНК-езлэн но ВКП(б)-лэн ЦК-езлэн постановлениязылыэн соответствез'я кылдытоно таче фонд'есты: семенной но фуражной фонд, семейной страховой фонд, продовольственной страховой фонд, вспомоществование фонд. Та фонд'есты кылдытэм бере гинэ кутсконо тысь культураосты трудоденьс'я люкылыны.

Кылем арын доход'есты люконнын трос янгыш'еслуизы. „Горд Кизили“ колхозын картошкаез октэмлэсь азьло колхозник'еслы ожемен люкызы. „Дэмен“, „Уньш“, „1 май“ но Ворошиловлэн нимыныз нимам колхозын неорганизованно люкызы куроез. Сыче факт'ес мукет колхоз'есын но луизы. Туэ янгыш'есты повторять кароно өвбл ни.

Доход'есты трудоденьс'я гинэ люконо. Соин ик трудоденьсэслэсь шонер учетсэс луытыны кулэ. Ревкомиссиослы трудоденьсэслэн шонер гожтыськемзылы ревизия лэстыно. Со сина ревкомиссия колхозлэсь доход'есэ но расход'есэ умой-умой тэкшыроно луэ, доход'есты люкылытоз'я государственной обязательствоосты тырмыт быдэстон но общественной фонд'есты точно СССР-лэн СНК-езлэн но ВКП(б)-лэн ЦК-езлэн постановлениязылыэн соответствез'я кылдыт'яны бадзым внимание мед сетоз.

Сельскохозяйственной артельлэн уставез умой ужась бригадалэн член'есызылы доходэз 10 процентлы вуытоз мултэс люкыны, ляб ужась бригадалэн член'есызы кулэ люкыны косэ. Доход'есты люконнын та принципез неуклонно улонэ пыртыны кулэ. Та понна колхоз'еслэн правлениоссылэн заседаниосазы бригадир'еслэн ар чоже ужомзы сярсь отчетсы кылзэмын луыны кулэ.

Колхозын бухгалтерской ужлэн бере кылемез доход'есты люкылоннын жегатон лэстыны быгатоз. Соин ик бухгалтерской ужлэсь бере кылензэ вакчи дырын быдтыны, вань натуральной но денежной доход'есты шонер ляд'яны, дебиторской задолженностыесты вакчи дырын берыктыны кулэ.

Доход'есты люкон туж ответственной ужен луэ. Та ужен первичной парторганизациос конкретно кивалтоно луо. Доход'есты люконэн чош колхозник'есты 1941 арын выли удалтон понна юр'яськонэ мобилизовать кароно.

МОСКВА, 16 ноября. СССР-лэн Народной Комиссар'есызылэн Советэз но ВКП(б)-лэн Центральной Комитетэз мур жоже усыса иворто Красной Армилен одигезлэн умой артиллеристэзлэн, общей тактикакая ка-федралэн профессорезлэн артиллерилэн генерал-полковникезлэн

ГРЕНДАЛЬ Владимир Давыдовичлэн  
1940 ар 16 ноябрь кулэмез сярсь.

## ПАРТАКТИВЛЭН РАЙОННОЙ СОБРАНИЕЗ

19 ноябре жлт ортчиз партактивлэн районной собраниез. Актив обсудить кариз „ВКП(б)-лэн историезлэсь Краткой курсэ“ поттэмен валче партийной пропагандаез пуктон сярсь ВКП(б)-лэн Центральной Комитетэзлэн 1938 арын 14 ноябрь поттэм постановлениезлэн быдэс-мемез сярсь ужпумез. Та сярсь ВКП(б) райкомлэн секретарез Ахметшин эш доклад лэстыз. Ортчем кык ар куспыв марксистско-ленинской теориясы асьме кадр'есмылэн интересы будиз, соос мыльсь-кыдысь дышетскыны кутскизы. Районнын „ВКП(б)-лэн историезлэсь Краткой курсэ“ 591 мурт самостоятельно но 32 мурт кружок'есын изучать каро. 45 мурт „Краткой курсэ“ изучать каронэз быдэстизы ини, табере соос марксизм-ленинизмлэн классик'есызылэсь произведениоссэс изучать карон вылын ужало.

„ВКП(б)-лэн историезлэсь Краткой курсэ“ самостоятельно изучать карисьес понна ВКП(б)-лэн райкомез 48 лекция, международной положения 32 интыын доклад'ес организовать карем.

Нош ВКП(б)-лэн Центральной Комитетэзлэсь постановлениез ляб быдэс'ям интыос трос на Партактив юн критиковать кариз райкомлэн пропаганда но агитация отделэзлэн, солэн пропагандист'есызылэн Николаев но Шакирова эш'еслэн, парткабинетлэн указы луэм тырмытэосты. „ВКП(б)-лэн историезлэсь Краткой курсэ“ изучать карисьесын групповой но индивидуальной консультацис туж бжыт луизы.

Асьсэлэсь теоретической тодонлыкэс Жутон вылын туж ляб ужась руководящей работник'ес трос на.

Кылсярсь: МТС-лэн кивалтисьесызы Вадретдинов, Хадеев но Насыров эш'ес, райуполнаркомзаг Вафин, РЗО-лэн заведующеез Хайруллин, дорожной отделэн заведующеез Исмагилов, первичной парторганизациослэн секретарьсы Хазеев, Шакиров эш'ес но мукет'ес. ВКП(б) райкомлэн пропаганда но агитация отделэз но первичной парторганизациос соослэсь дышетскемзэс тырмыт контролировать карымтэзы, ВКП(б)-лэн Уставез'я юн-юн требовать карытэк агитациен но убеждениосын гинэ ужзэс быдтилям.

Партактивлэн районной собраниез руководящей ист'есын ужась Вадретдинов, Хадеев, Насыров но мукет нимаз эш'еслэсь политической знанизэс Жутон вылын ляб ужомзэс осудить карыса, асьсэлэсь теоретической отсталостысэс быдтон вылын юн-юн ужомзэс требовать кариз. Руководящей работник'еслэн дышетскемзы сярсь ужпумез ВКП(б) райкомлэн бюроз вискарытэк эскерылоно, шуиз партактив, первичной парторганизациослэн собраниосазы коммунист'еслэн дышетскемзы сярсь доклад'ес кылзыло-нэз практикае пыртоно.

Тырмытэос трос озы ик кружок'еслэн указы но. Занятиосэс лыктытэк кылен, дасяськытэк лыктон факт'ес вань. Райкомлэн пропаганда но агитация отделэзлы, первичной парторганизациослэн секретарь-ессылы „ВКП(б)-лэн историезлэсь Краткой курсэ“ кружок'есын изучать карисьеслэсь занятиосэ дасяськыса лыктонзэс но 100% посещаемостысэс луытоно.

„ВКП(б)-лэн историезлэсь Краткой курсэ“ изучать карон понна общеобразовательной подготов-

ка кулэ. Партактивлэн собраниез ВКП(б) райкомлэн пропаганда но агитация отделэзлы руководящей работник'ес понна организовать карем вечерней средней школаын занятиослэсь планоно ортчылонзэс, дышетскисьеслэсь занятиосы дыраз но дасяськыса лыктонзэс обеспечить карон почна кулэ луэм ужд'есты кутыны косыз.

Партилэсь историез умой изучать карисьеслэсь опытсэс районной газет'ес та дыроз бжыт возматизы, дышетскымтэ коммунист'есызы ляб критиковать каризы. Азъланнын коммунист'еслэн „ВКП(б)-лэн историезлэсь Краткой курсэ“ изучать каремзы сярсь, соослэн ужан опытсы сярсь газетлэн страницасаз вискарытэк гож'яно, асьсэлэсь политической знанизэс Жутон вылын ужомтэосызы решительно критиковать кароно.

„ВКП(б)-лэн историезлэн Краткой курсэ“ луэ важнейшой средствоен большевизмен овладеть карон задачаез разрешить карон ужын, партилэсь член'есэс марксистско-ленинской теорияен вооружить карон ужын, т. е. общественной развитилэсь но политической юр'яськонлэсь закон'есэс тодонэн, партийной но непартийной большевик'еслэсь политической бдительностысэс Жутон средствоен, марксизм-ленинизмез пропагандировать карон ужез надлежащей теоретической высо-тае Жутонлэн средствоеныз. Озы шуэмын ВКП(б)-лэн ЦК-езлэн 1938 арын 14 ноябрь поттэм постановленияз. Районнысь вань руководящей кадр'еслы, партийной но непартийной большевик'еслы, интеллигенцилы „ВКП(б)-лэн историезлэсь Краткой курсэ“ мыльсь-кыдысь изучать карыны кулэ.

## Политпросветучреждениослэн совет'ессылэсь отчет'ессэс но быр'ен'ессэс орчытон сярсь

ВКП(б) обкомлэн бюрозлэн 16 ноябрь 1940 арын пуктэмез Азъланнын политпросвет-учреждениосты юнматон понна но изба-читальняослэн, клуб'еслэн, культуралэн дом'есызылэн но библиотеказослэн указы общественностысэс но населенилэн паськыт массаосызылэсь вниманизэс кыскон понна, ВКП(б) обкомлэн бюроз пуктэ:

1. ВКП(б)-лэсь сельской райком'есэс косоно 25 ноябрьсен 1 декабрь орчытыны общественной организациослэн но колхоз'ес-

лэн представительсынызы интеллигенцилэсь районной совещаниоссэс, соослэн политпросветучреждениослэн указы но населенилэн неграмотностез быдтоннын участизы сярсь вопрсэн.

2. Изба - читальняослэн, колхозной клуб'еслэн но культуралэн дом'есызылэн совет'ессылы быр'ен'есты орчытоно 1940 арын 5 декабрьсен 9 декабрь.

3. Политпросветучреждениослэн совет'ессылэсь ор-

чет'ессэс но быр'ен'ессэс орчытон планэз юнматно.

4. ВКП(б)-лэсь райком'есэс обязать кароно политпросветучреждениослэн совет'ессылэн отчетно-выборной кампаниеныз кулэз'я кивалтыны но солэсь итог'есэс бюрозлэн заседанияз эскерыны, политпросвет-учреждениослэсь вань ужзэс Жутон понна ужд'есты кутыса.

ВКП(б)-лэн Татарской обкомез лэн секретарез Е. Матвеев.

Л. Н. Толстойэн кулэм нуналысеныз 30 ар

# ДАНЛЫКО РУССКОЙ ПИСАТЕЛЬ

Толстойэн атаез граф вал, нош мумиз—Волконский князьёслэн выжысытызы.

Со барской вуж патриархальной улонэн герзаскемын Л. Н. Толстойэн нырысь гож'ям произведениосыз—„Детство“, „Отрочество“ но „Юность“. Со произведениосаз Толстой кбня ке возматэ биографизэ. Л. Н. Толстой гож'ята произведениосаз културной, образованной адьямиослэн улэмзы сярись, зуч аристократ'еслэн русской крестьян'есын умой кусып воземзы сярись но патриархальной мирной русской крестьян'ес сярись, куд'есыз уг жутисько асьсэлэн улон-вылонзылы. Вуж барско-усадебной улонлэн зечлыкес пыр кылдыны кутско вуж нормаослэн справедливостысылосконтэм'ес, помещик но крестьян'ес кусын, дворянство но вань калык кусын взаимоотношениослы осконтэм'ес.


Со произведениослэн геройзы Иртеньев пинал дыр'яз, будон ар'есаз аслыз равнойессэ адзылиз ачиз кадь но солэн родняосызлы тупась аристократ'ес, дворян'ес, помещик'ес яке военной пблысь гинэ. Мукет сословиысь алямиос солэн подчиненнойссыз, солэн раб'есыз, солэн лакейсыз вал.

Казаньын, университетын со нырысьсэ пумиськиз асьныз равнойесын, простит'ес калыклен представит'есыныз. Соос вал студент'ес-разночинец'ес: семинарист'ес, мещан'ес пб-

лысь потэм'ес. Иртеньев соос шоры пбртэм учкылиз. Соос шоры со учкылиз вылтыськыса, малы кешуно, соос французской кылын ляб вераськызы, аристократ'еслэсь сям'ессэ урод валаллазы, но со дыре ик со валаз, что морально соос вылын сыло солэсь но вань аристократ'еслэсь, куд'ессэ со котьку мурем юн дун'яллыз. Соос мургес но умялгес тодо улонэз, мургес но шонергес валало книгаосты.

Татын вал ини сыче класслэн улонэлэн, кудыныз Толстой герзаскемын вал аслаз происхождениез'я, справедливостезлы осконтэм'еслэн кутсконзы.

Толстойлэсь нырысетй книгазэ поттэм бере жоген кутске 1854—1855 ар'есы мынэм крымской война. Толстой участвовать каре Севастополез француз'еслэсь но англичан'еслэсь защищать каронны. Зуч калыклен Севастополез героически защищать каремез сярись со умой гож'яз. Со дырозь мировой литературы бз тодылы на вал войнаез сыче шонер справедливо гож'ян примерез. „Севастопольской рассказ'ес“ пычамын, огласянь, милитаризмлы юн пумит луонэн, секыт юанэн: малы война? Но соин Чош Толстой улэ царской правительстволы пумит кудиз бз быгаты защита организовать карыны. Со возматэ штабной начальствоз, кудиз малпа чин'ес но наградениос сярись гинэ, жожоме Севастополез сэтэм понна, шумпотэ сол-



дат'еслэн но умойсызлэн офицер'еслэн самоотверженно нюр'яскемзылы, куд'есыз родина понна героически кулылызы.

Севастополез сётон со зуч калыклен поражениез бй вал, со вал Николай I-ыйлэн режимезлэн поражениез, царской Россилэн феодально-крепостнической системаезлэн поражениез.

Ленин гож'яз Толстой сярись: „...со тужгес ик трос возматиз вуж, дореволюционной Россиез, 1861 ар бере но полукрепостнической кылем, деревенской Россиез, помещиклэсь но крестьянвилэсь Россиязэ. Россиялэн исторической улоньсытыз та вакытэз во'яматса, Л. Толстой аслаз произведениосаз пуктыны быгатиз сокем бад'зым ужпум'есты, быгатиз жутокыны сокем художес-

твенной кужымозь, что солэн произведениосыз мировой художественной литературыын нырысетй интыос пблысь одигзэ бастызы“ (Ленин, 14 том, стр. 400).

Кышноыськем бераз, 1862 арын Толстой Ясной Полянае трос ар'еслы улыны интыяське но аслаз бад'зым творческой ужез борды кутске. Татын со гож'тызык роман: „Война и мир“ но „Анна Каренина“, куд'есыз сое быдэс дуннелы тодмо писатель каризы.

Патриотизмлэн но адьямиез яратонлэн идеясыз, куд'есыныз пычамын „Севастопольской рассказ'ес“, шедьтизы асьсэлэсь тужгес но мур но тырмыт выраженизэс „Война и мир“ романын.

Адьямиез зэмоз яратон Толстой понна вал родинаез яратонлэсь люконтэм, но кычэ жертваос азе думдытэс ас родинаез защищать карыны быгатись калык понна гордостылэсь люконтэм.

Родинаез тушмонлы сётонтэм выльсь огазаяськем калыклен выль патриотизмезлэн чувствоз, тушмонэз уллян мылкыд нимсытыз ик кужмо возматэмын вал Толстойлэн Бородинской бой сярись гож'тамэз.

Но Бородинской сражениын vormисе потэм бере, Москваез сетоно луэ. Вуж генерал Кутузов Москваез ыштэм понна вань куректо-нэз переживать каре, нош озы ке но мылкыдэз уг усы. Со оске, что зуч калык тушмонэз быдтоз, что „тушмон вал сйль сиоз, турок'ес сямен“.

Кутузовлэн кыл'есыз зэмазы: вань калык валаз, что курадзон'ес котькычэ бад'зымьсэ ке но луозы, кулэ вань кужыме огазаяны но, но кычэ жертваослэсь кышкаэк, тушмон'есты быдтоно но родинаез мозмытоно.

Толстойлэн мукетыз бад'зым произведение луэ „Анна Каренина“ роман. Толстой борысь оглол вераз, что „Война и мир“ романын со яратиз родинаез идеяз, нош „Анна Каренина“ романын со яратиз семьялэсь идеязэ. Та провиденияз Толстой жалытэк лек жуге Россиялэсь официальной обществозэ.

Толстойлэн кык основной роман'есыз—„Война и мир“ но „Анна Каренина“, солэн берло ар'есы гожтэм „Смерть Ивана Ильича“, „Воскресение“, „Хаджи-Мурат“, „Отец Сергий“ произведениосыз сямен ик, асьнызы возматэ русской но мировой реализмэсь вершиназэ. Соос вис'ясько асьсэлэн правдивостенызы, художественной убедительностенызы. Отын—адьямиез, калыкез яратон но калыкы пумтэм оскон. Отын—улонлэн зэмлыкес.

Толстойлэн котькудиз образэз герзаске бад'зым исторической но социальной улонэн.

Характер'есты возматон Толстой понна котьку герзаскемын геройслэсь нимсытыз судьбазэс возматонэн.

Толстойлэн произведениосысытыз, солэн учкон'есысытыз но дышетэм'есысытыз противоречиво сэтуж валамон шараяз В. И. Ленин. „Лев Толстой русской революцилен зеркалэз кад'я статьяз. Ленин Толстойлэсь гож'яз, что со огласянь, „гениальный художник, кудиз зуч улонлэсь Чошатыны луонтэм картинаоссэ сэтэм сяна, сэтиз озы ик мировой литературылэсь первоклассной произведениоссэ, нош мукет ласянь—„помещик, Христосэн улысь“. Огласянь капитализмез жалытэк критиковать карон, правительственной насилюсты разоблачать карон, суд'есты но государственной управленияез серем карон, нош, мукет ласянь, — „уродлы кужмын пумит'ясыкытэк улыны“ косон. Огласянь, — ваньзэ но котькычэоссэ маскаосты кесэн, нош мукет ласянь—„самой гнусной макеосты, маке гинэ дунне вылын вань, проповедывать карон, именно религиез, казенной должности поп'ес интые нравственной убеждения поп'есты луктыны туртскон...“

Ваньмыз со противоречиво, кызы Ленин вералляз, чик случайность ббл, „а сыче противоречивой условиосты возматон, кудаз пуктэмын вал XIX даурлэн берло куйнымосаз зуч улон“ (т. XII, стр. 332).

Сизылы кезыт уйе Лев Николаевич Толстой, 82 арес'ем пересь, кельтиз корказэ, кудаз со вордкис но улиз вань улонэз Чоже, но кошкис „дунне вылэ“. Сюрес вылын Толстой висыны кутскиз но 1910 арын 20 ноябре чугун сюреслэн пичи Астапово станцияз кулиз. Со станция али нимасыке Лев Толстой шуыса.

Тупатэмын ляд'яны, что Ясной Полянаысь Толстойлэн кошконэз семья кусын тупамтэен герзаскемын вал шуыса. Зэмэб сытыса, со повод гинэ вал, основноез мукет бордон вал. Дворянско-капиталистической укладэз жалытэк критиковать карыса, Толстой асьсэсытыз вань улонэз солэсь вис'яны тыршылиз. Эксплуататорской класс'еслэсь урод'ессэ со мур но куашкамон критиковать кариз. Нош социальной строез тупатон, шонер пуктон ласянь со чектылиз наивной, утопической рецепт'есты. Та утопической рецепт'есын дуннеез воштыны кужымтэм луэмынэз, Толстойлэн сюлмаз кылдиз со дуннеен лично люкиськыны юн мылпотон, графской коркасы кошкон, со обстановкысы но улоньсы, кудаз улызы узыр адьямиос.

Проф. И. НУСИНОВ.

## СССР-лэн Народной Комиссар'есызлэн Советсылэн Председателезлэн но Иностранной Уж'ес'я Народной Комиссарлэн В. М. Молотов эшлэн Берлинысь кошкемез

Берлин, 14 ноябре (ТАСС). СССР лэн Совнаркомезлэн Председателез но Иностранной Уж'ес'я Народной Комиссарез В. М. Молотов кык нунал Берлинын улэм бераз туннэ Москвае кошкыны потиз.

Молотов эшез келян торжественной обстановкынын ортчиз. Ангальтской вокзал вож будос'есын но саяскаосын чебер'ямын вал. Вокзаллэн главной пыранэз доры СССР-лэн но Германиялэн государственной флаг'ессы ошемьн. Молотов эш-

лы сизыса, вокзал бордысь площадь вылын почетной караул сылиз.

Молотов эш г. фон Риббентроп чош почетной караул а'ети ортчизы. Келян понна Германия ласянь г. фон Риббентроп сяна лыктызы: имперской министр доктор Ламмерс, германской полицилен начальникез г. Гиммлер, генерал Далюге, генерал Томас, генерал-фельдмаршал Кейтель интые лыктэм мурт, Берлинлэн коменданэз генерал-лейтенант Зефферд

но мукет'ес.

Молотов эшез озы ик келяны ветлызы СССР-лэн Берлинысь полпредствозел-н но торгпредствозелэн сотрудник'есыз. Молотов эш соосын шунит мылкыдын люкиськыз.

Г. фон Риббентроплы приемзы понна тау карыса Молотов эш прощатись кариз германской правительстволэн сое келяны лыктэм представительсыныз.

11 часэ берлинской дырэн поезд вокзаллэн перрон дорысытыз кошкис.

## СССР-лэн Совнаркомезлэн Председателезлэн но Иностранной Уж'ес'я Народной Комиссарлэн В. М. Молотов эшлэн Москвае вуэмез

Туэ 15 ноябре уйин 12 часэ Берлинысь вуиз СССР-лэн Народной Комиссар'есызлэн Советсылэн Председателез но Иностранной Уж'ес'я Народной Комиссар В. М. Молотов эш сое келяны ветлысь эш'есын Чош.

Малкыня пограничной станция дорозь В. М. Молотов эшез келязы германской правительстволэн представит'есыз—Иностранной уж'ес'я министерстволэн протокольной отделэзлэн начальникез посланник фон Деривберг, Гитлерлэн заместителэзлэн Гесслэн

связы штабелэн начальникез Штенгер но флотлэн капитанэз Штефазиус.

Поезд Москвае вуон азын В. М. Молотов эшез пумитаны Белорусской вокзалэ лыктызы СССР-лэн Совнаркомезлэн Председателезлэн заместит'есыз А. И. Микоян, Л. М. Каганович, Н. А. Булганин, Н. А. Вознесенский, А. А. Вознесенский, А. Я. Вышинский эш'ес, Народной Комиссар'ес—С. К. Тимошенко, Н. Г. Кузнецов эш'ес но мукет'есыз, Красной Армилен Генштабелэн начальникез

К. А. Мерецков эш но озы ик дипломатической корпуслэн член'есыз но Москваысь германской посольство.

Вокзал чебер'ямын вал флаг'есын. В. М. Молотов эшез пумитан понна почетной караул пуктэмын вал.

Молотов эшен Чош Москвае берытскизы Германиялэн СССР-ысь чрезвычайной полномочной посолэз г. фон Шуленбург но Москваын германской экономической делегацилен председателез г. Шнурре.



## Шудинской но Атинской сельсовет'есын неграмотнойесыз но малограмотнойесыз дышетонлэн состояниез сярись

### Районной Советлэн Исполкомезлэн постановлениез

1940-41 дышеткон арын неграмотнойесыз но малограмотнойесыз дышетонлэн состояниез сярись Шудинской сельсоветлэн исполкомезлэн председателез Гаффаров эшлэсь но Атинской сельсоветлэн исполкомезлэн председателез Хасанов эшлэсь доклад'ессыс кылкыса но эскерыса, трудящийсялэн депутат'ессылэн районной советсылэн исполкомез пусе:

Шудинской но Атинской сельсовет'есын неграмотнойесты но малограмотнойесты дышетон уж та дырозь кутскымтэ. Шудинской сельсовет'я 32 неграмотнойесты, Атинской сельсовет'я 91 неграмотнойесты но 43 малограмотнойесты дышетон понна та сельсовет'еслэн заседаниосазы дышетисьес тодмоянтэ. Мыйюслэн школаоссы понна югдытон материал'ес чик дасямтэ.

Сельсовет'ес бордыс постоянной школьной комиссиос мыйюсты дышетон ужлы саклык уг вис'яло. Неграмотнойес пöлын валэктон уж уг мыны.

Атинской сельсоветлэн исполкомезлэн председателез Хасанов эш мыйюсты дышетон ужез арлы быдэ лаб организовать каре, милям неграмотность но малограмотность быдтэмын шуьса пöяллыське.

РОНО, школаослэн директор'ессы но заведующий'ессы мыйюслэн школаоссылэсь ужзэс контролировать карымтэзы но соослы

методичекой юрттэт уг возьматэ.

Райсоюз та дырозь но мыйюслэн школаоссы понна учебной пособиосты ваьимтэ но тетрадьесын обеспечить карымтэ.

Районной Советлэн исполкомез пунктэ:

1. Неграмотнойесты но малограмотнойесты дышетонэз та дырозь но организовать карымтэз понна, 1939 ар дырысен милям неграмотность но малограмотность быдтэмын шуьса пöяллыськемез (очковтирательство) понна но дышеткисьеслэсь шонер учетсэ луытымтэз понна Атинской сельсоветлэн исполкомезлэн председателез Гаффаров эшлы выговор ялоно.

2. Та дырозь неграмотнойесты но малограмотнойесты дышетонэз организовать карымтэз понна но дышеткисьеслэсь помещениос тодмоян'я ужрад кутымтэз понна Шудинской сельсоветлэн исполкомезлэсь председателез Гаффаров эшэз предупредить кароно. Хасанов но Гаффаров эш'есыз ули возьматэм'есты ужаны коsono:

а) сельсоветлэн территорияз пырем населениез нош ик одйг пол тэкшырыса, неграмотнойеслэсь но малограмотнойеслэсь тырмыт учетсэ луытоно;

б) 2 нунал срок кустын неграмотнойесты но малограмотнойесты дышетон

Райсоветлэн Исполкомезлэн председателез Е. Петров.

Райсоветлэн Исполкомезлэн секретарез Г. Файзрахманов.

понна дышетисьес тодмояно;

в) 25 нояброзь вань неграмотнойесыз но малограмотнойесыз 100% школаоссы кысконо но вискарятэк дышетскисьес ветлонзэс луытоно.

3. РОНО-ез но вань сельсовет'еслэсь председателез, мыйюслэн школаоссылэсь директор'ессыс коsono, — социалистической соревнованиез паськыт вöлмытыса, неграмотнойесыз но малограмотнойесыз 25 нояброзь 100% дышетскисьес кыскисьес ны но неграмотностез но малограмотностез ули возьматэм срок'есын быдтыны: 5 декаброзь 25 процентлы, 10 январозь 50 процентлы, 10 февралезь 75 процентлы,

15 мартозь 100 процентлы.

4. Вань колхоз'еслэсь председателез дышеткон дырын мыйюслэсь школаоссыс пуэн но керосинэн вискарятэк обеспечивать карыны коsono.

5. РОНО-ез мыйюслэн школаоссылэн дышетисьесынызы толэзы быдэ огпол методической совещание ортчытыны коsono.

6. Райсоюзлэсь председателез Закиров эшэз обязать кароно мыйюслэсь школаоссыс кулэ луэм лыдын учебной пособиосын но тетрадьесын обеспечить карыны.

## Красной Армилен рядовой но младшой начальствующей составезлэн воинской званиосыз сярись

СССР-лэн обсронаезлэн Народной Комиссарез Советской Союзлэн маршалэз Тимошенко эш 2 ноябре поттэм приказэ'я тупатиз Красной Армилен рядовой но младшой начальствующей составезлы выль воинской званиос но улонэ пыртиз „Младшой начальствующей составен службаз ортчон сярись положениез“. Приказ тупатэ та же воинской званиос: рядовой состав понна—красноармеец но ефрейтор; младшой начальствующей состав понна—младший сержант, сержант, старший сержант но старшина.

Та ужрад'ес быдэ'яське, кызыс верамын народной комиссарлэн приказаз, подразделениын боевой подготовкэлэн состояниез понна младшой начальствующей составлэсь ответственностьсэ Жутон выльсь, боец'есты воспитать карон, воинской дисциплинаез юнматон, младшой начальствующей составлэсь авторитетсэ азылане жутон выльсь.

Выль Положения, младшой начальствующей состав службалэн родэ'я люкиське команднойлы, техническойлы, административнойлы, медицинскойлы но ветеринарнойлы.

Строевой, технической но административной службалэн ефрейтор'есылэн нимыз сетиське умойесыз пöлысь красноармеец'еслы, куд'есыз ар служить каремзы бере частыин специальности 30 нунал'ем сборез ортчизы, тупатэм испытаниосты выдержать каризы.

Младший сержантлэн нимыз сетиське полковой школайн яке специальной школайн дышетконзэс быдэстэм'еслы но запасэ лэзен дыр'я—умойесызлы ефрейтор'еслы, действительной службалэн быронэз азын частыин специальной куинь толэзыем сборез ортчэм'еслы но испытаниез выдержать карем'еслы.

Сержантлэн нимыз сетиське умойесызлы младшой сержант'еслы, куд'есызлэн подразделениен командовать карон стажзы куать толэзылэсь ичи öвöлке, тупатэм испытаниосты выдержать кариз ке. Младший сержант'ес, сержантлэн нимызлы испытаниосты выдержать уг ке каро, 6 толэзы орчыса кыктэтизэ испытаниосты ортчо.

Старшой сержантлэн нимыз сетиське умойесызлы сержант'еслы, тупатэм испытаниосты выдержать карем'еслы но подразделениен командовать каремзылэн одйг ар'ем стажзы вань ке. Старший сержантлэн нимызлы испытаниез выдержать карымтэос 6 толэзы орчыса кыктэтизэ испытаниосты сето.

Старшиналэн нимыз сетиське умойесызлы старший сержант'еслы, подразделениен командовать карон стажзы соослэн арен жыныен вань ке но старшинаослэсь 3 толэзыем нимыстыз курссэ ортчемын ке.

Младшой технической, административной, медицинской но ветеринарной составлы сержантлэн, старший сержантлэн но старшиналэн нимыз сетиське соотвествующей специальной должностысын 6 толэзы Чоже служить карем бере аттестационной порядокем испытаниос сетэм'я.

Младшой начальствующей составлэн админосиз, действительной службазы служить каронзэс быдэстэм'ес но сверхурочной службаз кылем'ес, 3 арлэсь öжыт служить кароно уг луо.

Выльыз „Младшой начальствующей составен службаз ортчон сярись Положение“ воинской званиос сетоны порядок тупатэ. Ефрейторлэн нимыз сетиське частылэн командиреныз, младший сержантлы, сержантлы но старший сержантлы дивизилэн командиреныз (но солы равноен), старшиналы званиос—окружлэн, армилэн Военной советеныз.

Младшой начальствующей состав нуллэ та же знак'есты:

Старшина—ныль эмалевой треугольник'ес.

Старший сержант—куинь эмалевой треугольник'ес.

Сержант—кык эмалевой треугольник'ес.

Младший сержант—одйг эмалевой треугольник.

Ефрейторлэн—öвöл.

### Агрономлэн совет'есыз

### Клубез анализы

„Труд“ колхозын кылем арын лэсьтиськиз клуб. Клубын колхозник'ес но колхозницаос асьсэлэсь ужамтэм дыр'ессыс культурно ортчыт'язы. Чырдызы газет'ес, журнал'ес, чем луылызы егит'еслэн вечер'ессы но мухет.

Нош туэ клублэсь ужамтэ адйсь öвöл на. Укноос пырдылэмын, клуб пушкыс арбериос но бесхозяйствен но кыллэ. Клуб ужамтэен егит'еслы канцелярийн пукыны тупа. Öвöл егит'еслы шулдыр'яськон инты.

Колхозлэн правлениезлэсь но первичной комсомольской организацилэсь куриськом колхозлэсь клубзэ тупатонэз, чтобы егит'ес мед быгатозы асьсэлэсь шутэсконзэс ортчыт'яны культурно.

А. Пчельникова,  
Ф. Зубарева,  
М. Чернова,  
Л. Пчельникова.

### Картофкаез возман

Картофкаез шонер возман важной ужез луэ. Возмаку картофкалэн сбриськонэз луэ хранилищеос умой луымтэ бордысен, картофкаез возманы кулэз'я дасямтэ бордысен, октыку саклыктам учкем бордысен но мухет. Тужгес ик сбриське картофка кынымыса но дырызлэсь азыло нырсаськыса. Ваньмыз таос колхозлы но озы быдэс народной хозяйстволы бадзым из'ян ваё. Тини озы бере картофкаез туж жеч возманы кулэ.

Нырсаькем но сисьмем картофка ыштэ нетолько аскыз продовольственной качествозэ, но озы ик дунзэ но. Колхоз'ес азын сылэ задача—возмаку сохранить карыны картофкалэсь выль семенной но продовольственной качествозэ, сохранить карыны сортлэсь чылкытлыксэ но вакчиятыны ыштон'есты минимум дорозь.

Та понна возманлэсь правилоосэ соблюдать карыны кулэ. Хранилищеын медло нормальной температура (1—3 градус шунт) но

воздухлэн нормальной влажностез (80—90%). Сизыылэн нырысетй нунал'есаз картофка кужмо шока, соку вулэн пар'есыз жутско. Та пар'ес картофкаос пöлысь вылэ жутско. Со бордысен картофкаослэн выльез котме.

Картофкалэн котмемез висен'ес вöлмон понна условно кылдытэ. Тае луытонтэм понна картофкалэсь выльез кöс куроен шобыртыны кулэ, куро улын картофка уг котмы ни.

Хранилищеын температура нуналлы быдэ чукна мертаьске но особой журнале гожтиське. Термометр (градусник) подвалын куиньметй интыын луыны кулэ: 2 термометр подваллэн пум'есаз, öслэсь 2 метр кемын но выж бордысен 15—20 сантиметр вылын, нош куиньметиез подваллэн шораз картофка вылын. Температураез картофка пушкын 30—40 сантиметр мурдалаен но мертаны кулэ. Та понна нимаз трубкаос луо.

Вентиляционной трубкаосты кезыт дыр'я борзано. Толалтэ картофкаез бырий-

ны (переборка лэсьтыны) уг яра, талэсь коткызызы избегать карыны кулэ. Малы шуид ке, вырз'ят'ям бордысен вись картофкалэсь таза картофкалы висен'ес вöлмо, сисьмыса отходлэн процентэз будэ. Общей переборка (сотэк уг ке ни лу) лэсьтыны луэ нимаз бугроосын гинэ, картофкалэн котмыса сисьмемез 5 процентлэсь, кöс сисьмемез 10 процентлэсь ортчиз ке гинэ.

Толалтэ переборка лэсьтыку картофкалэсь 2—3 сантиметр нырсаськемзэ чыгылоно, тулыс переборка лэсьтыку чыгылоно öвöл, — со сямэн ик пуктоно. Бер сортыс кидыс картофка, если со бадзым ке 1,4—1,5 метр жуждаэз, шорынки ке 1,2 м. Жуждалаэз тыриське. Вазь сортыс картофкаез бадзым ке 1,3 метр, шорынки ке 1,1 метр жуждаэз тырыны луэ. Векчи картофкаез сортэзы но качествозлы утыса 0,5—1 метрлэсь выль луымтэ жуждалаен тырыны кулэ.

Т. Чекмарев.

## ПУДО ВОРДОНЫН НУНАЛЛЭН РАСПОРЯДОКЕЗ

Пудоосты шонер утэн но сюдон понна скотный дворын нуналлэн распорядокез одно ик кулэ маркеен луэ. Скотный дворын нуналлэн распорядокез возматъса улэ пудоосты утэн'я уж'еслэн ку кутсконзылэсь но ку быронзылэсь точной дырзэс. Нуналлэсь распорядокез котькуд колхозын лэстыны кулэ пудоослэн пёртэм тус'ессы но возрастной группаоссы понна.

Нуналлэн распорядокезлэн основной правилоеныз луэ пудоослы шутэтскон понна луэмез'я максимално дыр сетон, чтобы пудоэркын шутэтскыны мед быгатоз.

Мукет колхоз'еслы пример луон пснна, „Уныш“ колхозлэн МТФ-езлэсь 1940—41 арын стойловой периодлы нуналлэсь распорядокез возматом.

**„Уныш“ колхозлэн МТФ-яз нуналлэн распорядокез:**

—Чукна 4 час но 30 минутысен 6 часозь: вераосты миськон, массаж но йёл кыскон.

—6 часысен 8 часозь: сюдон таңе чередованиен: ко-

нцентрат'ес, сочной сион'ес, грубой сион'ес, люктан.

—8 часысен 9 часозь: пудоосты но помещениосты чылкытан, пудолы прогулка но ветеринарный осмотр.

—9 часысен нуназе 12 часозь: гилын пудоос понна полный покой (шутэтскон).

—12 часысен 1 часозь: кысконо скал'есты кыкетизэ кыскон.

—1 часысен 2 часозь: Чукна кадь ик сион'есты чередовать карыса сюдон, но люктан.

—3 часысен 6 часозь: гилын полный покой (шутэтскон).

—6 часысен: йёл кыскон, собере уйлы грубой сион'ес сетиське.

Табере возматом „Уныш“ колхозлэн конюшняяз нуналлэсь распорядокез.

**„Уныш“ колхозлэн конюшняяз нуналлэн распорядокез:**

—4 часын Чукна: бжит турыны яке мукет грубой сион но люктан.

—5 часын Чукна: сезыльэн суточной нормаезлэн одиг куиньмосэз (яке мукет кужмо сион).

—6 час но 30 минутэ Чук-

на: вал'есты чылкытан (вуштон), вал'ес ужаны кошкэм бере конюшняосты Чужон (уборка).

—12 часысен 1 часозь нуназе: ужысь бертэм бере сетиське турыны.

—1 час но 30 минутын нуназе: люктан, сетиське сезыры яке мукет концентрированной сион.

—6 час но 30 минутын жйт: сетиське турыны яке мукет грубой сион.

—7 часын жйт: люктан, сезыльэн суточной нормаезлэн одиг куиньмосэз.

—8—9 часын жйт: уйлы турыны яке мукет грубой сион.

Вылй возматэм распорядок'ес примерноен луо. Та распорядок'есты обсудить карыны кулэ пудо вордонны ужасьсеслэн производственной совещаниязы но колхозник'еслэн общей собраниязы. Котькуд колхозлы пудоосты утэн но сюдон понна колхозлэн особенностысыстыз но луонлык'есыстыз потыса распорядок лэстыно.

**Н. Горшков,**

РЗО-лэн ст. зоотехникез.

## БУРЯТ-МОНГОЛЬСКОЙ АССР-е ПЕРЕСЕЛЕНИЕ

Бурят-Монгольской АССР узыр край. Татын выли удалтон сетись муз'ем, нолэс, паськытэсь возбес, шур'ес, тыос, трос чорыг, пудоос но мукет. Уноез та луонлык'ес уже кутымтэ на. Малы шид ке, отын население бжит, нош муз'ем туж бадзым.

Татарской АССР-лэн Совнаркомезлэн решениез'я Бурят-Монгольской АССР-лэн Баргузинской районаз Цишинской районась хозяйствосты переселить карон мынэ. Баргузинской районлэн муз'ем площадез 3.743 сюрс гектар, со пёлын: нолэс 3.400 сюрс гектар, гырыськысь муз'ем 66.000 гектар, возбес 59.000 гектар, выгон 82.000 гектар.

Районны основной ужез луэ пудо вордон. Котькуд колхозын 2-3 бадзымез пудо вордон фермаос вань. Пудоос юн кормовой базасын но шунит помещениосын обеспечить каремын. Карл Маркс лэн нимыныз нима колхозлэн 7.749 йыр пудоосыз вань. Та колхоз Всесоюзной сельскохозай-

ственной выставканы участвовать карыз.

Баргузинской районны 2 рыбзавод'ес, 3 промартель'ес вань. Туэ районной центрын гидроэлектростанция лэстын кутскиз.

Татын улэсь калык'еслэн 60 процентэз бурят'ес, 30 процентэз буч'ес, мукет'есыз еврей'ес, эвенкиос, китаец'ес.

Районны ваньмыз 46 колхоз'ес. Соослэн тросоз пудо вордонэн но ю кизенэн заниматься каре. 7 колхоз'ес чорыг кутто. Кизисько таңе культураос: чабей, йыды, сезы, зег но мукет. Кык МТС вань, соос 30 колхоз'есыз обслуживать каро.

Баргузинской район Байкал озеролэн шунды жужан палаз, гурезегес интыны, Байкалэ усись Баргузин шур дорын. Баргузин шурын пароход'ес но ветлыны быгато.

Переселение кутске туэ декабрь толэзын. Баргузинской районэ мыныны мылкыды луэм колхозник'еслэн подробно юалляськемыз луэ райпланэ, сель-

совет'есы пырыса.

Бурят - Монгольской АССР-е мынысь хозяйствосты бадзымез льготоос сетисько. Соос 6 ар чожелы сельхозналог, подоходной налог, культсбор, страховой тырон'еслэсь но государственлы ю-тысь, картофка, силь, подсолнухыжгон, вй сетон'еслэсь мозмытысько.

Переселенец'еслы мынэм интыязы семья йыре 3 центнерозь нянь сетиське, 2 ар куспын сое натуреен берыктонэн. Переселенец'еслэсь кылдытэм выль колхозлы сетиське семенной ссуда. Чугун сюрестий мынон бесплатно.

Льготаос выль возматэм'ес сына но трос на. Соосты ваньзэ ик та статьяын гинэ возматыны луонлык бвёл.

Бурят - Монгольской АССР-е переселение ужпумен вань партийной, советской, комсомольской организациясы заниматься карыны кулэ. Та сярэсь колхозник'ес пёлын массовой валэктон уж нуоно.

**Е. Шулунов.**

## ФЗО-лэн школаосаз!

14 ноябрьсен районамы кутскиз призыв Фабрично-Заводской Обученилэн школаосаз. Призыв нунал'есты егит пинал'ес праздничной тусэн ортчытызы. Соос ваньзы ик мылысь кыдысь тыршо ФЗО лэн школаяз бастыськыны, луыны Родиналэн квалифицированной рабочий'есыныз, луыны данлыко стахановец'есын.

Фабрично-Заводской Обученилэн школаосаз асьме районась 75 мурт бастыськыны кулэ, нош ко-

мисие 99 заявлениос пыремын.

Призывной пунктты. Комиссия ужаны кутскымтэ на. Призывной пункт егит'еслэн шумпотон куараосынызы гурла.

ВЛКСМ-лэн райкомезлэн секретарез Данилов эш комиссийэн ужаны кутскемез сярэсь ивортэ. Комиссия нырысетилуыса комсомолец Иванов Петр (Ципьялась) пыриз. Собере Ст. Ципья гуртысь Антонов Иван, Тылогуртысь Милу-

хин Аркадий, С. Ципьялась Павлов Герман, Яркин Николай, Хадеев Мунир, Гатиятуллин Хайри но мукет'ес.

Призывной комиссия соосты Фабрично-Заводской Обученилэн школаосаз зачислить карыз.

Дышетскыны бастыськем егит'ес кыл сето отлично дышетскыны, дышетскыса потэм бере стахановец луыса ужаны.

**Г. Галева.**

Берло ивор'ес

## Гитлер Венае вуиз

Берлин, 20 сентябрь. (ТАСС). Германской информациональной бюролэн ивортэмез'я, туннэ Чукна Венае Гитлер вуиз.

Отчы ик лыктыз Берлинэсь японской посол Курусу, венгерской премьер Те-

леки но иностранной уж'ес'я министр Чаки. Венгерской государственной деятельсина Чош Венае лыктызы Будапештысь германской посланник Эрдмансдорф но Берлинэсь венгерской посланник Стояи.

## Китай но французской Индо-Китай кустысь граница ворсамын

Нью-Йорк, 20 ноябрь. (ТАСС). Юнайтед Пресс агенстволэн ивортэмез'я, китайской правительство французской Индо-Китаен границаез ворсаз. Чугун

сюрес вылти поезд'ес ветлэмэсь дугдэмын но почтово-телеграфной связь вис'яськемын. Индо-Китайен вузкарон но озы ик дугдытэмын.

## МУЗ'ЕМ ЗУРКАН

10 ноябрь московской дырын 4 часын, 39 минутэ но 07 секундэ карпатской муз'ем зуркан нош ик луиз. Со туж бадзым территорияез бастызы.

Кишиневысь, Николаевысь, Львовысь но уно мукет город'есысь иворто, что муз'ем зуркан азвыльзэсь трослы кема кыстыськиз. Азвыльзэ муз'ем зуркан 1940 арын 22 октябрез пус'емын вал. Квартираосын усьяськылызы бс'ес, штукатурка куашкаляз, борддор'ес пилиськылызы. Харьковын одиг коркан пуш борддорлэн люкетэз куашказ. 4 часэ но 40 минутэ муз'ем зуркамез гожтызы львовской обсерваторилэн аппарат'есыз. Кужмо зуркан кыстыськиз 6 минут, ляггес зуркан—час чоже.

СССР-ысь наукаослэн Академизылэн сейсмологической институтэзлэн директорез профессор П. М. Никифоров ТАСС-лэн кор-

респондентэныз вераськыкуз ивортыз:

—10 ноябрь нош ик луэм муз'ем зуркан аслаз кужымез'я 1940 арын 22 октябрез гожтэм муз'ем зурканлэсь трослы кужмо. Кишиневлэн районаз солэн кужымез вуиз 8—9 баллы, нош эпицентральной зонаын —10 баллоз. Муз'ем туж бадзым площадь вылын зурказ, солэн радиусэз, бжитсэ вераса, 1500 километр. Со шёлскиз Москваын но. Данаказ коркаосын улэсьсэ зуркамен сайкаллызы, жёк пукон'ес вырзылызы, дугдылызы час'ес.

Бадзым интыны муз'ем зуркан валэктиське очаглэн трослы муреныз, со 100 километрозь вуэ.

Та муз'ем зуркан аслаз кужымез'я ортче историын тодмо луйсь вань карпатской муз'ем зуркан'есты, со пёлын ик 1802 арын муз'ем зурканэз, кудиз шёлскиз Петербургыны но. (ТАСС).

## КОК—САГЫЗ

Каучуконос кок - сагыз колхоз'еслы бадзым доходсетэ. Сое Татарыны но кизе ни. Туэ кок-сагыз 2.000 гектар площадь вылэ киземын вал.

Шугуровской районны „Спартак“ колхоз кок-сагыз бюджетонлэсь техникаэ киулытыса (5 пол прополка, 5 пол рыхление, 3 пол ву кыскан орчытыса) коть-

куд гектарысь кок-сагызлэсь 10 килограмм кидысэ но 14 центнер выжыосэ бастыны быгатыз. Кок-сагызлэсь 23 сюрс манет доход бастымын. Кок-сагыз киземлэсь умоесь результат'ес бастызы озыны ик „1 мая“ но „Кзыл Шушма“ колхоз'ес.

(Тат-ТАСС)

## Фермаос тырмыт комплектовать карымтэ

Тельманлэн нимыныз нима колхозын фермаосты пудоосын комплектовать карон но толытыны дасьяськон ляб на. Пудоослы гид'ес тырмыт бвёл, пудо сион'ес заведующеозлы актэн сетымтэ.

Колхозлэн председателез Хрисанов эш та уж'есын тырмыт бз кивалты. Соин пудоослэн лыдзы МТФ-ын

20 интые 6 йыр, ОТФ-ын 45 интые 23 йыр, СТФ-ын 66 интые 44 йыр гинэ. Тылобурдо вордон фермаын 155 интые 55 гинэ курег'ес вань.

Тельманлэн нимыныз нима колхозлэн правлениезлы пудо вордонны лум тырмытэосты быдтон выльсэ уждрад'ес кутыны кулэ. **Е. Хрисанова.**

## Ужысьтыз куштэмын

Ср. Кушкетской сельсоветысь „Азылань“ колхозлэн председателезлэн Матяковлэн ярнтэм уж'есыз сярэсь газетын кбня ке материал'ес потызы. Нош Матяков аскыз янгыш'есэ бз тупаты.

„Азылань“ колхозлэн член-

есызлэн общей собраниез Матяковэз ужысьтыз куштэнэ. Колхозлэн председателез Никифоров М. эш быр'емын.

Ср.-Кушкетской сельсоветлэн председателез

**Г. Осипов.**